

德安安陸郡縣志卷十四

邑人 沈會霖 纂修

知安陸縣事高聯捷 鑒定

孝弟傳

叙曰忠孝足乎性而勁遂不撓纏綿罔渝則又生乎情楚俗剽急鄖子倚三關而當北夢在山川之間故篤行彰彰焉傳曰惟孝友于兄弟又曰資於事父以事君孔門著孝經而不及忠道有全傳也志先孝弟忠義次之

德安安陸郡縣志 卷十四 孝弟傳 一 御

黃香字文疆葉令况之子事親至孝夏日扇枕席冬以身溫被九歲失母思慕憔悴殆不免喪太守劉護聞而招之署爲門下孝子故有江夏黃童之稱

事見人
物傳

饒鳳翔祖政京出望江成化間以進士任府學教授遂家焉翔爲郡諸生奉母竭力母喪晝夜哀號寢柩側三年旣葬廬於墓哭奠告墓一如生存依土成丘碣有卑枝鳥巢焉不驚凡六年歸朔望猶徒步叅泣雨雪不廢誓不赴宴會服緦麻終其身有

司以孝行聞

吳一魁年甫十二父道東以太學生被誣下司敗將
及於辟魁得家報子身徒跣赴都門嘉靖元年值
肅皇帝登極郊祀魁伏道左軍士擊之以死拒不
去上怪問之泣陳父冤狀言訖請就斧鉞以代父
罪上大嘉悅諭曰誰教爾者魁曰臣丐食走三千
里恐一對人言定百計阻之今尚行乞街頭未知
父生死父子天性除父子外誰爲關切而更須人
教臣耶上曰朕以孝治天下首得此子又朕龍潛

德安安陸郡縣志

卷十四

孝弟傳

二

御

故里可喜也命入太學立釋道東仍賜幣馳驛以
歸

嚴貴和字冲甫爲邑諸生母卒茹素毀衫履誅茅墓

左日夕泣奠如是者三年姻友往慰之曾不荅一
語惟涕泣而已督學周公鼎賞以異等表其門

沈棟市民也爲沈茂枝養子頗知醫而貧不甚苛藥
價父肥善病四肢痿痺不克動履復不肯僵卧棟
製一龕每夕扶之跌坐每食必親哺之父壽八十
始卒盖三十年如一日焉晚與義民李成龍李□

金凡救灾恤患修建浮屠皆其首倡有司旌其門
曰孝子云

高第邑人高啓科子啓科病篤食貧醫藥無效第因
割股以求一當婦庠氏曰翁癯甚是可藥公恐其
少也冉割膚合上之啓科旋愈雖古制惟重守身
割股祇聽自爲而第實從痛切起見妻更民間女
稱之曰孝固宜郡伯高公翽旌其門曰孝偕伉儷
邑侯高公聯捷贈之扁曰一門雙孝

張正瑞弟竒瑞幼相友愛合爨不忍析初則正瑞拮

德安安陸郡縣志

卷十四

孝弟傳

三

御

据家計漸至素封竒瑞補郡功曹掾座上客滿遂
以儻倬著日所須皆竒瑞任之正瑞惟肆意解推
不獨弟無倦色卽正瑞亦不知其爲竒瑞物也竒
瑞無子卽以兄二子樞誨爲子撫之訓之爲名諸
生卽竒瑞亦不知其非己子也同居式好自成童
迄鶴髮凡六十年所天啓丁卯知府李公行志表
其廬俱八十有竒卒

劉希堯邑人年十五失父遺弟希舜年未及週歲母
明氏艾而守堯力耕爲孀母奉時卯翼舜而哺之

嗣妻李氏亦篤色養卽力作時必置舜懷中曰不忍累老姑也及舜稍長爲備六禮娶巨族程氏女希堯家漸給釜庚悉付弟司之弟亦感兄誠不後岐彼此凡十數年無間言會從姪文煥三歲而孤收養如己子與其子文煒舜子文耀俱共塾師時人比於張公藝云天啓辛酉明年九十二卒延形家卜窆執古族墓之典先相穴其旁顧左者吉右遜之未幾舜病卽屬子文耀以鴈序弟穴自右慎勿以善地而先兄也堯不可必固讓以藏舜文耀德安安陸郡縣志

卷十四

孝弟傳

四

御

爲名諸生屬記其事於碑陰以明兄右弟左有慚治戒之始末至兄弟以醇樸糲郡祭酒周急好施此其小者不及載
論曰君子事親孝則忠可移於君事兄悌則順可移於長漢固有孝弟力田科因有自誣以成兄弟名者雖矯焉不可訓而誠然之心千載如或兄之也鄖俗醇而樸以孝膺旌典者代不乏人而弟獨無聞蓋棠隸之愛視爲固有俗之醇而樸也洵然與一日過桓山之陽見松柏森蔚有石田道上因

攬轡周視而劉子文耀至禰其先人鴈序屬仲原
以左虛伯父伯以文耀故謂左地頗吉堅以藏先
人望不孝之力於成也乃碌碌青衫空渺治戒伯
父有靈其何面目見之言已輒泣數行下余固習
知二公友愛而又習知其固讓坏土於悲榆泣露
之間劉子文耀亦復善承先志瑱珉不朽黃尙書
之子瓊孫琬皆以孝稱此固吾鄖往事也余於劉
氏亦云

樂紹節原鳳陽李氏子幼隨其父從軍安陸過繼於
德安安陸郡縣志 卷十四 孝弟傳 五 御

樂胤章及胤章卒節戚易兼至事恩母羅氏如所
生母羅病目且盲節以子出家爲僧保之羅目爲
復同族諸生樂繹如等以孝行乞旌知府高公翱
曰羅氏無子而有子洵足感動人倫許如衆請力
辭不受

忠義

鬪子文

事見人物傳

郝處俊

事見人物傳

王偃呂蕤李權吳鳳吳暢晉惠帝時張昌據石巖反

江沔士庶皆從之惟安陸江安令王偃秀才呂蕤
不從昌以三公位徵之偃蕤密將宗族奔汝南投
豫州刺史劉喬偃之鄉人期思令李權常安令吳
鳳孝廉吳暢糾合善類得五百家追隨偃等不豫
妖逆忠義之氣何代無人故特表以風後世云
郭贊爲上蔡令金人入不屈死之

史諫字葵赤泰昌間恩選初知懷遠有能聲補四川
丹稜縣再補寶縣環寶皆山而僻民盡賴餉以活
臺使者以不足展其才畧特委兼攝郫縣崇禎丁

德安安陸郡縣志

卷十四

忠義傳

六

御

丑猝值賊變力守孤城越數月食乏援絕城陷不
屈死之四川巡按梁公士濟以疏聞部覆贈承直
郎加尙寶寺丞崇祀名宦崇禎辛巳知府樊公邦
正旌褒之康熙乙巳知府高公翱同知吳公翀通
判王公澤溢推官楊公願素知縣高公聯捷俱加
獎美

劉康明字坤寧崇禎己卯歲貢壬午謁選得宜城訓
昔闖氛已據襄陽不得赴當事素廉其才委攝武
昌江夏兩學篆癸未楚陷猝猝題齋壁上詩曰方

城百雉舊雄疆一任賊捧上下狂正氣不因昔藉
減風吹阜北劍花香書已肅衣冠拜先聖殿前爲
自經計會數城欄入康明罵曰此宣聖宮墻爾賊
何得至此賊怒而刃之弟綏明字來之邑名諸生
慷慨目負聞賊北土匿山中不食死

張以謙字益我守禦所千戶世職崇禎甲戌堵賊□□
曲山店陷陣被執不屈死

張光
楊問

吾湏有仁兄馬誰百戶張光先是也吾湏有
養弟焉□武舉楊開是也死賊白旺□惡深猛倍

德安安陸郡縣志

卷十四

忠義傳

七

御

於狼蝎聚山借噉而棲母子者攻之破擄之盡殺
之無噍類惡隍戀土而守資糧者搜之悉索之再
剥之穿皮骨任兄義弟倡衆教授期滅此而後朝
食大書缺□竟送城內白旺股栗奸人楊某罵賊
曰我可誘擒遂持僞票上三山求二公於門二公
曰我■早以身殉國矣竟踴躍就道如赴喜筵望
見賊面惡罵嚼恨賊怒不卽殺零割碎剗張百戶
點點精誠而□天楊武舉片片旃檀而無血嗚呼
雖比下不烈矣孔子曰殺身成仁孟子曰舍生取

義大官世爵名公巨卿通六經涉子史括書誤國
不意吾湏二公孔孟精髓領取兩句而去天口爲
昭故曰仁兄義弟以孔孟爲父母卽以仁義結同
胞未聞如關岳讀春秋左傳而與關岳同死異哉
吾湏二十年前山川蕭索今適歸來浩氣磅礴非
仁兄義弟之所充塞耶

按張光先字明扶號貞蓋守禦所百戶原以武功
顯楊開字存之按察使璋之曾孫也崇禎癸未秋
白逆虎視湏城張楊合義旅拒之遠近響應行可

德安安陸郡縣志

卷十四

忠義傳

八

御

滅此朝食衆未合而爲奸人所執致不屈以死詳
已具程司空傳中今查二公之被執也賊下階迎
手解其縛張罵曰爾縱生我我亦假利刃以殺爾
何解縛爲楊曰今日有死而已我將褫爾魄更復
何言賊怒甚因寸磔之張刃未及咽猶大罵不絕
口楊肉片片如雪惟曰畱此一腔熱血以歸天上
昔張公之長子國勲幼子國柱國棟俱磔死古來
忠義如張睢陽文信國其最著者廟貌千秋生氣
凜凜二公視前人何歉特用與未用耳故再詳其

絕命語以垂千古記是年霖正避賊鄂渚率張之子諸生國臣國相楊之兄選貢生周達臺使撫軍王公揚基以其事聞於朝後巡方黃公澍再疏請卹典以國變未報康熙乙巳郡守高公翱贊曰忠貫金石氣壯山河郡丞吳公翀贊曰忠魂化碧浩氣凝霜二人同心張許齊芳別駕王公澤溢贊曰洵忠憤所激真可奠河嶽而貫日星司理楊公願素贊曰精忠既貫金石姓字宜垂史冊安陸令高公聯捷贊曰睢陽不朽南八有朋浩然正氣猶凜德安安陸郡縣志 卷十四 忠義傳 九 御

烈於鐵城石柱之間一時都人士各爲詩以吊之繁不及載

戴竑字小戴爲名諸生闖僞將白旺據郡城守禦諸弁暨奸人多爲賊耳目會巡道章公曠提兵恢復白旺遁去竑盡列從賊姓名以告悉就駢戮未幾章奉調赴漢沔旺復至遍加搜捕磔竑於市竑罵不絕口至斷舌以死

廖應元字乾初爲邑諸生負氣履方崇顧癸未避賊而西白旺連破數十砦元獨倡義旅拒之爲奸人

執送賊旺曰爾欲何爲元曰殺賊耳旺怒縛門柱
上左右百矢發死

董其雄字仲才邑諸生試輒高等以學行著白旺據
城奉僞檄試士按學冊無雄名屬役敦迓之迫之
就道雄曰是尙可苟生乎竟赴水死時萬中翹鄭
時行亦赴水死

張素蓄字德普邑名諸生白賊之難與鄉人楊則虞
等結堡於傳家砦距城僅二十里許賊日以兵脅
之不順也因大舉圍之堡內隨機應敵傷賊無筭

德安安陸郡縣志

卷十四

忠義傳

十

御

越七日爲人所給致數賊攔入砦中千人內潰爭
赴水死素蓄闔宅遇害獨宣屠者素以膂力聞持
短刀立殺數賊力竭爲賊所執死

萬國裕爲郡功曹掾崇禎癸未白旺據鄖城拘國裕
寫檄招村堡國裕擲筆曰某不能爲賊作書記因
匿于家賊怒搜獲之刃於市

熊肇勳字建侯諸兄弟皆名諸生獨勳好劍不事章
句補邑武生崇禎甲戌賊薄城下提義勇雷二狗
等出堵俱歿於陣弟肇泰字季侯以文名癸未正

月白旺薄城之日值其母變猝猝未及殮泰不得已故投刺其僞考試官鉉圭得領檄歸葬賊自以爲得士再走人物色之泰曰某向之失身祇爲母氏遺骸未忍委城中耳今復何求自經死

彭鰲葉三魏捷俱以膂力聞充郡鄉勇崇禎甲戌賊哨薄南城外三人出探之衆騎環矢以向三人背立各當一面殺賊援絕竟死亂軍中

高崇雅字章莪崇禎末避賊於城北之傅家砦率衆抗賊賊益大隊困之雅從間道請兵無有應者會德安安陸郡縣志 卷十四 忠義傳 十一 御賊執其母要之使降竟不屈死之

節烈

叙曰節烈竝傳矣或曰烈矯矯哉余引陳嬰以對雖然堅貞之氣視死如歸與松柏之姿凝霜不改道固無優劣也老臣曳履長樂封瀛爲語鬚眉慙此巾幗

節婦

趙氏翟恕妻守禦所千戶威之女年二十一恕卒無子依母居足不出戶卽父亦不得面年踰六十病

家人勸胗脉曰吾手平生未嘗近人竟不藥卒有
司奏旌

周氏陳天祐妻年二十四守節家甚貧父母欲奪之
矢志不改監司屢給粟帛以贍其家舊居城南三
十里鯉魚灘忽一夕山漲驟至周身伏柩上誓與
俱汨河伯爲退丈許比里漂沒陳室如故歿後臺
使者聞於朝建坊旌表至今坊額尙存

程氏邑諸生喻當然妻當然早世程年二十三苦志
居孀皜衣垢面紡績事姑里中穰爲孝節有司覈
德安安陸郡縣志 卷十四 節婦傳 十二 御
實獎之

余氏郡學生劉宥妻宥前妻管遺子尙幼宥卒氏欲
從夫地下入室自經幾絕婢覺救之謂宥臨死以
翁與子託氏氏不念乎乃忍死剪髮謝鉛華事翁
愈謹教子爲諸生自二十九孀居至六十五歲卒
鄉八穰其苦節無玷院部使者屢旌其門

田氏京山宦家女邑庠生柯奕妻也奕卒時田年二
十六無子女誓殉夫以姑姒防密得不死居宅後
一小樓惟毀容嗚咽入夜無哭泣聲三十六年絕

不獲復歸寧田氏崇禎辛巳年六十一卒以耆事
方殷未經旌表

方氏贈按察使劉廷相妻廷相少失明早世方年二
十四卽自經與殉爲家人所救奉舅姑教子苦節
四十年子伯生伯燮登進士伯燮疏聞表其閭劉

紹恤有傳

文載中菽

程氏李文弼妻弼卒程年二十七苦節四十年劉紹

恤有傳

文載中藝

徐氏胡添文妻原江西南昌人嘉靖間添文官德安

德安安陸郡縣志

卷十四

節婦傳

十三

御

有清操卒於任以貧不能歸里徐鬻衣珥治櫓誅
茅墓左躬泔泲粥其子承露迄自成立延至孫來
庭曾孫之祜之禧皆以名諸生爲湏望族

鄭氏萬世重妻萬曆間重早世鄭年甫二十四瀕死
者數日爲戚里強起之奉姑訓子苦節五十餘年
毀容孺暮有如一日子中翹中翹俱補邑諸生天
啓乙丑直指楊公新期疏表建坊共門今南城內
坊額屹然存焉

楊氏諸生黃一中妻年二十三一中卒氏誓死靡他

撫遺孤黃彩補邑諸生苦節六十年崇禎間直□
宋公景雲疏請表其門曰貞節坊年八十一卒坊
在四伏元坊下至今尚存

徐氏胡寯妻寯早故徐年甫二十無子女夫弟寧幼
而孤家復貧落徐曰某不難以一死殉地下顧我
死誰有哺寧而生活之者因誅茅墓左以女紅供
晨夕凡苦節四十餘年後寧以明經選萬年訓力
請於當事天啓元年奉旨建坊表其廬坊在陳店

廢今

德安安陸郡縣志

卷十四

節婦傳

十四

御

姜氏諸生嚴一敬妻持身幽靜夙嫺內則一敬早世
姜年甫二十二飢卧柩旁以死自誓子新國尙襁
抱索乳哺者呱呱聲不絕姜忽悟曰存亡幾輩繫
此单傳是何可死因截髮噬指勉作未亡人室僅
環堵口夕扃之比新國稍長督就外傳以機杼供
脩贄新國補邑弟子員赴鬢序拜畢婦拜姜姜泣
曰我之所以不卽地下者爲俟爾今日也未盡之
事爾自勉爲之吾願畢矣是日泣聲達旦竟不食
死郡紳上爲詩吊之天啓乙丑巡按楊公新期以

節烈聞建坊旌表其閭

某氏諸生呂水霞母氏逸其姓子名亦不可攷水霞其字也氏年二十餘誓以苦節著聞子若孫俱補邑諸生今後人流亡父老猶能傳曰呂節母云

魏氏故庠生嚴大賔妻大賔孝友聲在隆慶間娶魏氏魏著姓也牲魚蘋芼素嫺闔則婦大賔年十八越三載生子憲甫一歲大賔卒時萬曆六年十月也魏毀裂絕粒者七日瀕死其子呱呱泣姑弗忍之強沃以水少甦姑曰我淹淹待木汝復死不獨

德安安陸郡縣志

卷十四

節婦傳

十五

御

媳無窆所併孤雛無活日也魏驚悟爰作柩室嚙指斷髮持孤兒坐室中涕泣躬紡績有敬姜風椽宅舊在河街次年夏恒兩河水溢人移城避魏以子屬姑自伏柩哭須臾雨止水退辛巳三月朔比鄰火家人咸怖走魏泣曰夫在吾何往忽聞空中撲火聲火尋滅憲稍長魏義方教之憲性至孝動遵母訓里人咸服以爲節婦之子云憲三子以敬以翼以忠皆弱冠補弟子員以敬子懔博學爾雅

爲知名士

熊應元
傳畧

黃氏適諸生董以教生兩子憲章年二十七以教早
世黃闔戶將自經時章尙呱呱泣董又世族以孝
友聞時庚子舉人以脩則以教同母弟也舊未分
爨惟黃主家政爲家人排戶守之得不死毀容作
未亡人夜月孤燈和熊課讀兩子俱爲名諸生崇
禎壬午已六十有四於旌表例合紳士合詞以請
直指汪公承詔聞於朝以國變未報卒年七十有
八

鄧氏諸生秦應碧妻應碧卒鄧年二十三屏絕膏沐
德安安陸郡縣志 卷十四 節婦傳 十六 御

杜門孀守天啓間巡按御史白公士磷疏聞表其
門曰貞節

盧氏適布衣游之文庚午舉人游應龍母也年十七
于歸值之文善病盧脫簪珥以供醫藥九十年不
少倦之文卒皆應龍甫四歲盧誓以死殉家人奔
告舅姑急解之勉以陳嬰之節因不得死崇禎辛
巳提學高公世泰採輿論旌表之癸未年八十七
應龍令溧水迎養於官舍未一年卒

沈氏諸生胡象先妻貢生沈翀宇次女也象先隨父

任萬年諭卒於任沈時年二十七止一子袍尙未週歲象先又後母下沈罄家人產徃扶其襯以歸教袍成諸生苦節四十年卒袍後爲賊害夫亦逸其名象先其字也胡氏先有徐氏之節蓋一門雙

節云

熊良記爾

彭氏熊應祺妻祺早世彭年二十六哀毀不食已無生理時公姑俱卧病公士弘故荔蒲令宦囊蕭瑟家徒壁立郎藥餌贍粥之須缺如也彭不得已始強起悉以敝衣付質庫而身親床第以奉二人且

德安安陸郡縣志

卷十四

節婦傳

十七

御

掩泣嗚咽懼以啼聲達卧內不敢傷堂上二人心也未三月兩喪相繼後事悉彭辦之仍一一如故宦禮時子徵驥徵麟俱尙在襁抱垢面毀容躬目操作乳哺和熊以迄於成蓋三十八年如一日焉年六十六卒崇禎間知府樊公邦正知縣濮公有宏採輿論達於學使高公世泰表其門子徵驥爲名諸生

鄔氏陳正義妻鄔少寡撫子琦成諸生以苦節著琦年二十四卒婦徐氏少於琦者五歲止一女才一

歲徐向諸戚媿泣曰陳氏之祀自我而餒何難從
夫子地下柰堂上班白誰與供菽水者因與姑誓
共守孤闈甚暑嚴霜依依膝下每風晨月夕惟聞
兩嫠婦啼泣聲耳今年乙巳諸生董大任等上其
事於官知府高公翱曰兩世孀守終於死節悲風
血淚天日爲昏斯語也洵可慰雙魂於地下哉
張氏生員鄧之琚母年二十寡時之琚尙在乳釋毀
容孀守躬機杼課讀之琚補邑諸生操切家政浸
至素封盖苦節而以能勸起家者年七十卒

德安安陸郡縣志

卷十四

節婦傳

十八

御

黃氏郭後庵妻後庵卒黃年二十五舉二子俱襁抱
堂上人耄矣又遺腹待媿黃於分不得死強忍食
息誓勵冰操崇禎末年已七十有七值白旺之變
二子被執黃抱孫巍才四歲卽前遺腹子所生子
也同鄰婦段匿河干賊騎充斥往來如織段懼巍
呱呱爲累逼投之水中黃泣禱曰某兩子已死刃
下郭氏一線僅此藐孤倘復作聲俾爲賊得某惟
有俱汨波臣耳惟天憐之竟日夕無啼聲黃夜起
□麥德口嚼以活巍賊往來亦無所見說者以爲

苦節之報云黃年八十萃巍已成諸生

張氏楊國祺妻年二十二國祺早世時子其俊甫四歲其雄甫生月餘張觸棺倒地誓以死殉舅姑力諭之因撤簪餌躬機杼以供甘毳冰潔自矢蓋四十五年

邱氏諸生熊徵望妻年十九望卒尚有遺腹越六月始生子洪輅盖商文恪亦遺腹云公姑又鶴髮仰於禮不得死茹蘖飲冰方將色養乳哺課讀凡三十餘年洪輅更名良遇爲諸生熊固世族時徵驥德安安陸郡縣志 卷十四 節婦傳 十九 御

母彭氏郎仰之從姑亦以苦節著郡人稱爲熊氏雙節云

張氏冉希文妻年二十一希文卒子問行僅三歲張飲水撫孤誓死靡二家計漸振以賢母著凡四十年問行暨孫皆諸生

王氏邑民周治岐妻岐幼孤而貧王年十四歸岐躬機杼以供姑甘旨早夜間省養志不少怠凡四年而姑逝又二年而岐逝王年甫二十葬之日委身於壙誓與同穴父母掖之起止一女尙呱呱泣母

強投之懷中王泣曰女命不宜子致餒而祀誠不
孝復不能殉夫誠不義爲世罪人不孝不義何倖
生爲父母時時左右之得不死未幾有挾之再醮
者王引斧自斷其臂骨爲之折彊暴屏息去越崇
禎甲申王父母兄弟俱罹賊難以女適諸生劉俊
千劉之母亦孀守迎與同居午夜嗚咽以未得從
地下爲恨今年六十有二俊千以其狀聞於官知
府高公翱贊曰無子守節可愧世之有子而不能
守者慷慨折臂古之毀貌斷指昔聞其語今見其
入靡然流俗百卉盡靡幽貞乃見

德安安陸郡縣志

卷十四

節婦傳

二十

御

劉氏應山經歷劉旛之女萬曆己未年十四適庚子
舉人董以脩爲繼室隨任浙之龍泉縣以脩卒於
任宦橐蕭然遠覩未歸且氏有遺腹猶冀宜男以
承董祀因勉作未亡人時氏年十八耳旋里僅生
一女劉之諸兄弟憐之勒之改節者再復侈口姓
以相諷動氏啼泣不絕聲毀容衣布紡績孤闈盖
三十餘年年五十一卒

徐氏邑諸生甘策妻策固廷諫季子性儻倬結客口

漸落徐悉脫簪珥供之策早世徐年甫二十七竭
力事孀姑葉廿旨悉備姑病伏床上藥餌竟忘寢
食者累月崇禎壬午賊至聞仲子和森名欲官之
徐曰兒自匿去母以老寡婦故戀城中也森竟以
計伏應山寶陵深處岢猝轉徙徐猶携遺經課
三子迄今茹蘖和熊四十餘年如一口國人以其
狀白於當事俱獎勵之

楊紹
先記

沈氏邑諸生沈光宇女會霖同胞姊也年十六歸諸
生萬士望素嫺禮教舉二子士望早世沈年甫二

德安安陸郡縣志

卷十四

節婦傳

二一

御

十六哀痛倒地水漿不入口者七日母楊孺人同
姑鄔强扶之起不聽沃以水少甦因再四解之曰
姑老矣若郎死而夫亦無窆所且謂兩呱呱子何
因留夫柩殯於室日夕哀奠躬自泔洗以粥其家
忽夜半比鄰火沈倉遽伏柩上呼天誓與同燬風
遽折而北崇禎癸未逋城之變猝猝扶襯出城外
未數里與賊值肩負者爭鼠伏沈憑棺痛哭以首
搶棺幾碎血淋淋滿衣袖賊爲之動遍搜鄉人掩
以坏土而去因携兩子從間道及其弟於鄂渚夏

五武昌又陷以衣帶結兩子從雉堞中墜下卒□
恙比及夏口搶攘絕渡適與弟家老婢值從蘆葉
中覓一舟以渡說者謂天之報施苦節云康熙甲
辰年七十卒子邦鎮邦憲皆庠生王宗孔
傳畧
楊氏諸生張縉母年二十六夫早世楊自矢栢舟貞
節罔貳躬絲泉以肩家政篝燈晝荻午夜不倦蓋
勵節三十六年今年六十有二

李氏邑人吳洪妻崇禎戊辰洪早世李甫艾哀毀骨
立留夫柩不忍封日夕洒淚相向每機杼聲與涕

德安安陸郡縣志

卷十四

節婦傳

二二

御

聲達戶外過者惻然茹蘖歷四十餘年順治戊子
巡道張公以謙表其廬壽七十四卒子國植爲司
功曹宗璉爲名諸生

李氏楊自若妻自若早世李年二十二子憲生甫數
月舅姑已衰老家復壁立因強之改適李誓以死
守甘旨無缺姑病癰勢且不起李爲吮之尋愈年
六 有三子憲爲諸生

熊氏□都妻諸生熊夢弼同胞姊也年十七于歸越
四閱月而都逝無子女誓以身殉父母固守之得

不死因毀容不櫛沐不出閫以外惟紡績自□□夕嗚咽兵賊之變止伏都墓左雖烽火如蝟搜殺無遺竟未與熊值郎值亦如未見然者人稱爲苦節之報云年六十八

王氏邑民李占先妻年二十三占先卒已舉二子長養澄才二歲次方兩月王誓死不欲生以公姑未殯家計蕭然復堅忍苟活稱未亡人朝則汲水運薪夜則紡績龜手不惜凡積數年而始得厝諸骨於地下今年六十有四

邑人宣
珏傳畧

德安安陸郡縣志

卷十四

節婦傳

二三

御

安陸令高聯捷曰養澄一廝卒耳其母守志四十年如一日亦云苦矣誌將成養澄號泣曰恨不能爲諸生以表揚吾母間者憫焉及閱之而王氏已廁節烈之後雖珥筆者之公心哉其母若子之行可槩見矣

熊氏邑民蔡正倫妻倫早卒時年二十五啓明尙未免懷公姑復皤然耄矣家本夙貧菽水之須熊竭女紅辦之生事死葬悉如禮年七十四行不踰閫比里無有見其面者

劉氏黃希宇妻萬曆間希宇卒劉年二十四子士俊
四歲中鮮兄弟家徒壁立劉從哀毀中嚴冬盡解
所衣布衣勉爲治櫬念骸骨未藏襁抱無托強忍
同穴之志而以節見會歲稔自採木皮爲餐紡績
市米以哺其子冰霜之氣四十年如一日焉崇禎
間知府李公行志知縣楊公秀獬表其門孫輔鼎
爲名諸生

沈氏諸生陳亮妻亮少以文名試輒高等崇禎癸酉
預省闈以副車于邑而卒沈年二十六嘗猝猝賊
德安安陸郡縣志 卷十四 節婦傳 二四 御
警家無附郭子錦甫周歲力不能謀坏土不得已
強生躬機杼以襄後事茹荼飲血三十餘年錦成
立爲諸生

孫氏諸生徐中矩妻于歸五年而中矩郎世孫年僅
二十有四家計無擔石舅姑雙老子時達又厘周
歲孫不得已強食息勉供孝養撫時達以玉於成
凡四十年冰蘖之操凜如霜日郡人稱曰徐母云
年六十卒時達爲名諸生

殷氏守禦所千戶梅徵和妻和固應奎長子以世□

督漕於外應奎風袖歸老杜門著述凡薪水之口
皆殷竭蹶辦之未幾和卒殷年甫艾哀毀骨立冰
節凜然年六十卒子敬選貢生次壯中名諸生

蕭氏邑人高思勉妻年二十三歲崇禎間勉病蕭脫
簪餌以供醫藥及將易簀之夕誓與俱死子高甫
七閱月勉慰之曰若死柰呱呱何如餒高氏之祀
郎相從地下無相見也蕭勉治後事矢節靡他未
幾值賊變爲所執曳之弗肯前延頸受利刃佯死
得脫里人楊自華者著族也聞蕭冰節以女許字
德安安陸郡縣志 卷十四 節婦傳 二五 御
其子得藉脩晡爲和熊之助子敏而能文補邑弟
子員蕭名之曰楊其高合則雙美節也而賢矣
黃氏邑武生員熊肇勲妻也年二十九崇禎丙子肇
勲堵賊於青龍潭遇害凶問至氏觸石流血泣曰
夫旣死國妾當死夫遂闔戶自經姑急救之曰媳
死義也柰週歲之呱呱子何若無母必死則肇勲
之忠義絕矣因勉作未亡人茹蘖教子三十餘年
如一日今年六十有一

烈女

張烈女市民張佩之女嘉靖己未女年十有六歲許聘朱鶚之子比未嫁明年五月比病卒母以語女女曰父母以我許聘朱門矣豈得復有二言是夜郎自經死汪中丞道昆奏旌表其墓

烈婦

牛氏龔天保妻景府群牧所人誓偕夫死跪夫柩側不食十七日瀕死歛人程明著贈棺槨鄉人爭以美棺至皆不受性端靜每勸女婦脩行先是夫貧甚欲嫁之引死不從其天性如此有司治墓立祠

德安安陸郡縣志

卷十四

烈婦傳

二六

御

李氏高射村人年十九適邑諸生劉自義劉病革與李訣曰吾已矣吾父母暨三子惟汝在李泣曰夫所念者幸夫之兄若嫂在儻見背卽從夫地下不敢後亡何劉卒李一慟倒地起視含殮如禮卽謁辭舅姑屬夫之兄若嫂以舅姑暨三子如對夫旨復一慟倒地水漿不入口歷十有八日死部使者具聞旌之

劉氏指揮何昌胤側室也白旺據郡城昌胤携家匿於白兆山庄敝衣履從間道走鄂誼撫軍何公騰

蛟巡道章公曠效泰廷之哭旺因執其妻妾以□
之氏曰吾夫受朝廷世爵且元老後招亦不來矣
賊卒曰白將軍慕夫人彼不來自入佳境無慮也
氏罵曰某夫卽領太兵至若輩且齏粉肯受□耶
罵訖馬已次濠側因騰躍入水死
鄭氏諸生萬士傑妻崇禎辛巳避賊於邑西之萬福
山砦陷鄭被執欲污之鄭已預計裂帛□周身密
爲縫紉賊堅力以解鄭乘其不意奪刀向賊被殺
死

德安安陸郡縣志

卷十四

烈婦傳

二七

御

李氏郡人李清玉女年十七歸庠生余孚尹尙未再
歲崇禎癸未兵賊之亂避寓武昌與余寓鄰五月
晦城陷孚尹猝猝匿迄未返越旦李被擄去置之
燬餘殘室中與余子之禎值隨之走江干婦以死
自矢禎兇慰之曰尙得生還亦未可知李曰卽幸
歸去有何面目見姻婭遂奮投江中死彼一豈也
婦女死者奚啻億萬計然皆無可柰何視氏之從
容如飴謂之曰烈固宜

熊應元
畧傳

沈氏邑庠生沈長璽之姊會霖族孫女也適邑人萬

之益生三女年二十四崇禎丁丑避賊村落爲□
執引置荒谷中欲污之氏以死誓出詞厲甚有比
鄰竝擄者掩其口氏罵曰爾自從死賊去我宦族
清白後豈以相辱賊連刃其三女以懾之終不屈
延頸受戮以死之益爲余從兄因收其骸骨殯焉

萬之
奇記

萬氏諸生戴樞元配萬之彥同母妹也崇禎壬午適
樞甫二月偕避賊槎山砦夜襲破之樞携萬疾走
山谷賊騎將及萬曰事急矣以我故緩君步俱刃

德安安陸郡縣志

卷十四

烈婦傳

二八

御

無益請舍之樞堅執不釋竟嚙樞手及血而脫躍

水死

萬之
奇記

何氏邑人黃都妻廣西鬱林州判爾鼎繼母也都補
功曹掾以方直著有古狷者風崇禎甲申同被賊
亂於山砦砦破被執先加刃於都而姑尙何曳之
前往何堅抱都屍濺血染面罵曰死便俱死肯獨
生乎賊怒而劓之碎屍以死

宣氏諸生文景隆妻景隆郎世宣年甫十九無子止
一女兩姓皆名族扳其再適者踵接宣自搆一斗

室於宅後扃戶禮佛凡三十餘年崇禎癸未值賊變義不受辱赴水死女適選貢生吳冕

榮氏沈之選妻榮宸寵同母妹也事公姑以孝聞崇禎間賊變家人俱避匿榮之祖姑年已九十艱步履榮獨依破堡中不忍去爲賊所執欲污之榮堅抱屋柱以死拒賊怒而刃之

張氏原任副將吳天榮元配也順治丙戌韓兵大譁天榮鎮鄖子撫綏有畧兵民雜處胥相安焉未一年卒子茂仍方週歲氏以元戎之配霜守自分內

德安安陸郡縣志

卷十四

婦傳

二九

御

事獨其寄籍鄖土家政凜然有足多者且以嫡母撫茂仍如己子稍長延塾師晝荻和熊早夜不倦迄今二十餘年茂仍試童子科第一皆稱義方之

訓云

附

王氏梁杜龕妻龕爲鄖州刺史嘗領軍與陳霸先戰敗之龕好飲勇而無謀部將杜秦通於霸先說龕降龕然之王曰霸先深讎何可求和因出私財募兵復大敗之後杜秦降於霸先龕尚醉未覺霸先遣人負出斬之王逸去截髮出家人莫之識臨卒

始語人曰恨不能殺負夫者

附

德安安陸郡縣志卷十四終

德安安陸郡縣志卷十四

烈婦

三十

御